

УДК 821=03.161.1=512.19.1/7.07

Кокиева А.

**БЕДИЙ МЕТИННИНЪ ТЕРДЖИМЕ ЭТЮВ ИНТЕПРЕТАЦИЯЛАРЫ:  
ШИИРИЙ ШЕКИЛЬ ВЕ МИЛЛИЙ-МЕДЕНИЙ ХУСУСИЕТЛЕРНИНЪ  
САКЪЛАП КЪАЛУВ МЕСЕЛЕЛЕРИ**  
(Данте Алигьерининъ «Иляхий комедиясы»нынъ «Джехеннем»  
кыысмынынъ 1, 5, 33 йырларынынъ рус тилинден кыырыматар тилине  
А. Кокиеванынъ терджимеси эсасында)

*Аннотация.* Макъаледе терджиманлыкъ амелиятында «интерпретация» (анълап анълатмакъ) меселеси насыл къулланылгъаны айдынлатыла. Эсас диккъат экинджи тильден (рус тилинден) кыырымтатар тилине япылгъан терджимеге айырыла. Бедий метин белли бир анълап анълатув эснасына менсюп олгъаны себебинден, интерпретациянынъ диапазоны гъает кенишлеген вакъытта, терджиманнынъ чевирюв усулларнынъ чешиитлеринден файдаланмагъа имкяны пейда олгъаны косътериле. Айны мундериджени миллий шириетимизге хас олмагъан ширий къалыпкъа (терцинагъа) сыгъдырмакъ меселесине кельгенде, бу захметли вазифе насыл беджерильгени анълатыла. Классик ширий эсернинъ мундеридже ве шеклини гъайрыдан асыл этмек ичюн, учлюклерден ибарет ширий бентлерни, зынджырлы къафиелештирюв инджеликлерининъ кеиш этилюви ве миллий медений хусусиетлернинъ сакъланып къалувы нумайыш олуна. Миллий шириетнинъ хусусиетлери эсерге насыл синъдирильгени тарифлене.

*Анахтар сёзлер:* «интерпретация» (анълап анълатмакъ), бедий метин, интерпретациянынъ диапазоны, ширий къалып, миллий медений хусусиетлер.

Кокиева А.

**ПЕРЕВОДЧЕСКИЕ ИНТЕРПРЕТАЦИИ ХУДОЖЕСТВЕННОГО  
ТЕКСТА: ВОПРОСЫ СОХРАНЕНИЯ ПОЭТИЧЕСКОЙ ФОРМЫ  
И НАЦИОНАЛЬНО-КУЛЬТУРНОЙ СПЕЦИФИКИ**  
(на основе перевода с русского на крымскотатарский язык А. Кокиевой  
Данте Алигьери «Божественная комедия» части «Ад» 1, 5, 33 песен)

*Аннотация.* В данной статье рассматривается термин «интерпретация» применительно к переводческой деятельности. Особое внимание уделяется проблеме создания художественного произведения на крымскотатарском языке. Художественный текст обладает определённым «интерпретационным диапазоном», поэтому количество его интерпретаций становится почти неограниченным, а вопрос сохранения поэтической формы и национально-культурной специфики самым важным, о чём свидетельствует анализ переводимого почерка переводчика.

*Ключевые слова:* интерпретация, художественный текст, интерпретационный диапазон, поэтическая форма, национально-культурная специфика.

Kokieva A.

**TRANSLATION INTERPRETATIONS OF LITERARY TEXT:  
QUESTIONS OF RETAINING THE POETIC FORM, NATIONAL**

## AND CULTURAL SPECIFIC CHARACTER

(on the basis of translation from russian into the crimean tatar language  
of A. Kokieva of Dante Aligeri the «Divine comedy», part «Hell» 1, 5, 33 songs)

**Summary.** The article is devoted to the problem of interpretation in the process of translation. A special attention is paid to the problem of creating a literary work in Crimean Tatar language. A literary text has its definite «interpretation range», therefore the number of interpretations becomes unlimited, but the most important question is the retaining of the poetic form, national and cultural specific character of the literary work.

**Key words:** interpretation, literary text, interpretation range, poetic form, national and cultural specific character.

**Тедкыккыатымызнынъ эсас макъсады** – терджиманлыкъ амелиятында ширий классик эсернинъ терджиме этюв интерпретацияларыны тарифлеп, миллий шириетимизге хас олмагъан ширий къалыпкъа (терцинагъа) айны мундерижджени насыл ёлларнен сыгъдырылгъаныны, меджазий тасвирий васталарнынъ ишлетилуов усулларыны нумайыш этмектен ибареттир.

Терджиме эснасында миллий шириет саасында къулланылгъан инджеликлер меарет майданынынъ кенишлетилюмесине, терджиманлыкъ мектеплерининъ пейда олмасына себеп оладжагъы **къоюлгъан меселенинъ муимлигини** тайинлей.

**Мевзунынъ огренилюв дереджеси.** Кырымтатар терджиме санъатында бу мевзугъа аит меселенинъ тедкыккъ этилюв ве огренилюв саасына ильки адымлар атылмакъта. Мевджут олгъан тедкыккыатларнынъ эксериети рус терджиманлыкъ санъатына аиттир. Бедий метиннинъ терджиме этюв интерпретациялары: метинде ширий шекиль ве миллий-медений хусусиетлернинъ сакълап къалув меселелерине даир бильгилерни И.С. Алексеева [1], Э.М. Береговская [2], Г. Гачечиладзе [3], И.Н. Голенищев-Кутузов [4; 5], В. Дмитриев [6], В.Я. Задорнова [7], М.Л. Лозинский [8], И.И. Ревзин, В.Ю. Розенцвейг [9], Г.И. Рузавин [10], Д.С. Усов [11], А.В. Фёдоров [12], Р.А. Юсупов [13] киби алимлернинъ ильмий ишлеринден огренмек мумкюн. Айны ильмий ишлер ве тевсиелер бедий метин, хусусан классик эсернинъ терджимесине янашув эснасы ве амелиятында ярдым эте билелер.

**Эсас малюматнынъ айдынлатылувы.** Классик эсерлернинъ терджимеси эдебий тиль ичюн буюк сынав майданыдыр. Экинджи тильден учюнджи тильге терджиме олунувы исе гъает муреккеп сынав басамакъларындан кечюв эснасыны пейда эте. Чюнки терджиме амелиятында ана тилимизнинъ имкяниетлери насыл севиюде олгъаны, тиль инджеликлерини насыл ишленилювени бельгиле. Догърусыны айткъанда, «Иляхий комедия» киби эдебият абидесини чешит тиллерге терджиме этилюви къолай иш дегильдир. Кырымтатар тилининъ илерилеви ве миллетке гъайрыдан къайтарылгъан эдебий хазиненинъ джеухерлери – ханлыкъ ве уянув девир шириетининъ нумюнелери – дигер тиллердеки классик эсерлерни терджиме этмеге толу имкян яратаджагъыны тек яхшы терджиман исбатлай биле. Акъыкъатен де, тек озюне хас ремзий услупте язылгъан «Иляхий комедия»нынъ кырымтатар тилине терджиме этилюви бугунъ де бугунъ муим меселе оларакъ къалмакъта. Зира, Данте, «итальян тилининъ бабасы» сыфатында нам къазангъан мутефеккир, иджат эткен девринде табийи зенгинликке менсюп олгъан тиль яраткъан эди [1, с. 354]. Бойле эсерни шимди биз къулангъан эдебий тильге терджиме этмек догъру келирми экен? Я бу эсернинъ тек озюне хас хусусий чизгилери ве талаплары бар да?! Бу аллегорик эсерде диний ибарелер, иляхий фельсефеге аит меселелер гъает терен ишлетилювени эр кеске беллидир. Мезкюр комедиянынъ тили, та Дантенинъ яшагъан вакъытларында, хусусий чизгиге менсюп ремзий бир тиль оларакъ такъдим этильген эди. Классик абиденинъ тилине, тизилишине, тюрюне аит себеплер, эсерни эр джеэттен олгъаны киби терджиме этмек ёлуны тайинлемеге давет этти.

Башта бир «интерпретация»нынъ терджиманлыкъ амелиятындаки эмиетини бираз анълатайыкъ. Илькиде бу термин герменевтикада ишлетилюди, «анъламакъ ве анълатмакъ усталыгъы» манасында къулланылды [10, с. 62]. Терджиманлыкъ назариясине исе бу тер-

мин И.И. Ревзин ве В.Ю. Розенцвейг киби алимлернинъ тарафындан кирсетильген эди [9, с. 56–58].

Терджиманлыкъ амелиятында «интерпретция» сёзю дёрт манада къулланыла: 1) сёз бирлемлерининъ контекстуаль аңлатылувы; 2) лугъатар ве малюматнамелер вастасынен аңлатылувы; 3) козь огюне алынган акъыкътнынъ айдынлатылувы терджиманнынъ му-стакъиль иджадий амелияты вастасынен аңлатылувы; 4) муайен коммуникация эснасындан келип чыкъкъан аңлатув.

Дантенинъ иджадыны огренген алим И.Н. Голенищев-Кутузов комедиянынъ рус терджиманы М.Л. Лозинский А.С. Пушкинден башлап А. Ахматовагъадже олган рус шииритининъ тилинен файдалангъаныны къайд эте [5, с. 504]. «Иляхий комедия»нынъ кырым-татар тилине терджиме этильгенинде де, Данте яшаган девирнинъ рухуны акс этмек ичюн, ана тилимизнинъ чокъ къатламларындан, шу джумледен шиве ве лехджелерден, кечмиш девирлерге менсюп олган эдебий тиль, къадимий тюркий, арап ве фарсча келимелерни файдаланмакъ сырасы кельди.

«Иляхий комедия»нынъ джианда олган бир чокъ тиллерге терджиме олунгъаны беллидир. Рус тилине Е. Кологривова (1842), Д. Мин (1902–1904), А.П. Фёдоров (1892–1894), Д. Минаев (1874–1876), М. Горбов, Н. Голованов (1896–1902), О. Чюмина (1900–1902), В. Брюсов, В. Иванов, М. Лозинский, А.А. Илюшин (1995), В.Г. Маранцман (2003) киби терджиманларнынъ шиирий интерпретациялары мевджюттир. Бундан гъайры бу эсерни азербайджан тилине – А. Курчойли, озбек тилине А. Орипов, эрмени тилине – А. Таян, грузин тилине – К. Гамсахурдия ве К. Чичинадзе, украин тилине – М. Рыльский, П. Карьманский, Е. Дробязко, латыш тилине – И. Масенс киби муэллифлер терджиме эткенлери беллидир.

Иляхий комедияны эр бир миллет тувган тилинде окъумагъа арз этедир, эльбет. Амма бу эсернинъ терджиме этилюви гъает муреккеп олгъаныны эсернинъ архитектоникасы – композицион тизилиши, шиирий услубининъ мукеммель ве муреккеп олгъаны тасдыкълай биле. Бу эсерде мисралар, бентлер, къафиелер озъара бир узвий багънен зынджырланып къурулгъандыр. Эсер озюнинъ бедий мукеммеллиги, еяне тылсымлы уйгъунлыкъ къудретинен ондан сонъ ве бизим девирде де иджат эткен муэллифлерни айретке къалдырмакътадыр.

Эсер узеринде иш насыл сюретте алынып барылгъаныны бираз тариф этейик. 2008 сени миллий мектеплер ичюн дерсликлер азырланув эснасында янъы программа язылды ве джиан эдебияты эсерлери кирсетильди. Докъузынджы сыныф дерслигине Данте Алигъери, Вильям Шекспир, Жан Батист Мольер И.В. Гёте, Дж. Г. Байрон киби муэллифлернинъ эсерлери кирсетильди. Бу эсерлернинъ кырымтатар тилинде терджимелери олмагъаны себебинден, 9 сыныф «Къырымтатар ве четэль эдебияты» дерслигини (2009 с.) язгъаным ичюн, Дантенинъ «Иляхий комедия», Вильям Шекспирнинъ «Хамлет», Гётенинъ «Фауст» эсерлеринден парчаларны озюме терджиме этмек сырасы кельди.

Ишбу макъаледе Дантенинъ «Иляхий комедия»сынынъ Джехеннем кысымындан 1, 5, 33 йырлары узеринде насыл чалышкъанымны беян этмек истер эдим. Эсернинъ асыл нухадаки тилини бильмегеним себебинден, рус тилине япылган терджимелерни ве тюркий тиллерге чевирилген терджимелерни мукеммель ве тафсиятлы огренмек сырасы кельди. Рус терджиманларынынъ заметлери ичинден М.Л. Лозинскийнинъ, озбек тилинден А. Ориповнынъ терджимелеринден файдаланмакъ сырасы кельди. Италия тилинде язылган сатырларнынъ окъулув кыраатыны къайтарып окъуй-окъуй, везиннинъ сесленювини дуймакъ, онъа уйып, шу везинде янъгъырагъан, кырымтатар тилиндеки шекили амеллештирилди. Терджиме эснасы эсернинъ мундериджеси, тарихий деври, язылув тарихининъ огренилювинден башланды. Эсернинъ тиль хусусиетлерини, диалогларнынъ такъдим олунувыны, эсерде расткельген къараманларнынъ шахсиетлерини огренмек де, муим эди. Чюнки терджиме эткенде, терджиманнынъ козю огюнде пейда олган сималар джанлана башлайлар, оларны коръгенинъ киби оласынъ, шунынънен эсернинъ ичерисине къарышып кетесинъ, онынънен яшайсынъ, онынънен нефес аласынъ, о дюньягъа кирип кетесинъ.

Бу терджиманлыкъ амелиятымда эсас къыйынлыкъ баты шииритининъ озюне хас шиирий везни – терцинанынъ иджеликлерини огренювнен багълы олды. Терцинанынъ къафилешюв схемасыны аңламакъ ичюн, назарий бильгилерге мураджаат этмек керек олды.

Меселя, асыл нусха тилине мураджат этип, къафиелешюв ве окъулув эснасындаки тел-ляфуз, къыраат меселелерине эмиет берилип, къырымтатар тилине терджиме олунаджакъ эсернинъ везни тайинленди. Учъ тильде янъгырагъан везинлернинъ уйгъунлыгъына дикъкъат этилип, къырымтатар варианты кешф олунды.

**Итальян тилинде (асыл нусха)**

- |   |     |     |    |    |     |     |     |     |    |     |     |     |    |    |      |     |    |    |     |     |
|---|-----|-----|----|----|-----|-----|-----|-----|----|-----|-----|-----|----|----|------|-----|----|----|-----|-----|
| 1 | 2   | 3   | 4  | 5  | 6   | 7   | 8   | 9   | 10 | 11  |     |     |    |    |      |     |    |    |     |     |
| 1 | Nel | mez | –  | zo | del | cam | –   | min | di | nos | –   | tra | vi | –  | ta   | (a) |    |    |     |     |
|   | mi  | rit | –  | ro | –   | vai | per | u   | –  | na  | sel | –   | va | os | –    | cu  | –  | ra | (б) |     |
|   | che | –   | la | di | –   | rit | –   | ta  | vi | –   | a   | e   | –  | ra | smar | –   | ri | –  | ta  | (a) |
- 4 Ahi quanto a dir qual era e cosa dura (б)  
 Esta selva selvaqgia e aspra e forte (в)  
 Che nel pensier rinova la paura! (б)

**Рус тилине терджимеси**

- |   |     |   |    |    |     |       |      |     |      |     |      |     |    |     |    |    |     |     |
|---|-----|---|----|----|-----|-------|------|-----|------|-----|------|-----|----|-----|----|----|-----|-----|
| 1 | 2   | 3 | 4  | 5  | 6   | 7     | 8    | 9   | 10   | 11  |      |     |    |     |    |    |     |     |
| 1 | Зем | – | ну | –  | ю   | жизнь | прой | –   | дя   | до  | по   | –   | ло | –   | ви | –  | ны  | (a) |
|   | Я   | о | –  | чу | –   | тил   | –    | ся  | в    | сум | –    | рач | –  | ном | ле | –  | су  | (б) |
|   | Ут  | – | ра | –  | тив | пра   | –    | вый | путь | во  | тьме | до  | –  | ли  | –  | ны | (a) |     |
- 4 Каков он был, о, как прознесу,  
 Тот дикий лес, дремучий и грозный,  
 Чей давний ужас в памяти несусь! [14].

**Озбек тилине рус тилинден терджимеси**

- |   |      |   |     |       |    |     |     |     |    |      |    |     |    |     |     |     |     |     |  |
|---|------|---|-----|-------|----|-----|-----|-----|----|------|----|-----|----|-----|-----|-----|-----|-----|--|
| 1 | 2    | 3 | 4   | 5     | 6  | 7   | 8   | 9   | 10 | 11   |    |     |    |     |     |     |     |     |  |
| 1 | Ер   | – | да  | –     | ки | ум  | –   | рим | –  | нинг | яр | –   | ми | –   | ни  | ю   | –   | риб |  |
|   | Зуль | – | мат | во    | –  | дий | –   | си  | –  | да   | а  | –   | да | –   | шиб | қол | –   | дым |  |
|   | Боқ  | – | сам | , бир | ўр | –   | мон | –   | га | ке   | –  | тиб | –  | ман | ки  | –   | риб |     |  |
- 4 О, уни нега ҳам ёдимга олдим,  
 Даҳшатларга тўла ўрмон эди у,  
 Эсдан чықаролмай неча йил толдим [15, с. 9].

**Къырымтатар тилине терджимеси**

- |   |      |   |     |   |     |      |   |     |    |      |    |   |     |   |     |    |   |     |     |
|---|------|---|-----|---|-----|------|---|-----|----|------|----|---|-----|---|-----|----|---|-----|-----|
| 1 | 2    | 3 | 4   | 5 | 6   | 7    | 8 | 9   | 10 | 11   |    |   |     |   |     |    |   |     |     |
| 1 | А    | – | я   | – | тий | ом   | – | рюм | –  | нинъ | я  | – | ры  | – | сын | ю  | – | рип | (a) |
|   | Чы   | – | тыр | – | ман | дагъ | – | лар | –  | да   | ша | – | шыр | – | дым | ё  | – | лум | (б) |
|   | Зуль | – | мет | – | тен | сар  | – | сыл | –  | гъан | ор | – | ман | – | гъа | сю | – | рип | (a) |
- 4 Киргеним, айтмагъа аджиздир гонъюм. (б)  
 Хатыргъа пек синъген мудхиш сезгини (в)  
 Унутып оламай, солгъандыр гулюм (б) [16, с. 210].

Къыскъасы, терцинанынъ шеклине учъ тильде олгъан терджиме сеслендириле берип, къырымтатар тилиндеки мундеридже уйгъунлаштырылды. Къыраатнен гузель окъулгъан шекиль 11 эджалы сатыр олды.

Бираз эсернинъ тарихине мураджаат этейик. Баты эдебиятынынъ улу эсерлеринден бири сайылгъан «Иляхий комедия» христианлыкънынъ энъ буюк ширий эсери оларакъ къабул олунгъан ве о девирлерде бу эсернинъ язма нусхалары эльден-эльге долашкъан эди. Бу эсер бир чокъ тиллерге терджиме олунып, асырлар бою Авропанынъ «Китаб-и Мукъаддес»тен сонъра, чокъ окъулгъан китаплар арасында ер алгъандыр. «Иляхий комедия»ны тешкиль эткен узун шиир отуз учъ йырдан ибареттир. «Иляхий комедия» эсерге кирсетилген киришнен бераберликте 100 йырдан, бутюн комедия исе 14233 мисрадан ибареттир. Эсерде ракъамларнынъ бойле тизилиши бефтан дегиль экен. Данте 3, ве 9 ракъамларына буюк эмиет берген. Бельки, шунынъ ичюн де, комедияда къулланылгъан бент учъ сатырдан ибареттир. Биринджи сатыр учюнджи сатырнен къафиелеше. Экинджи ве биринджи, ондан сонъ кельген учюнджи сатырнен къафиелешип кетелер. Къафиелешюв эсернинъ девамында эсернинъ башында насыл къафиелешкен олса, ойле де текрарлана бе-

ре. Эгер биз эр бир кьафиени арифнен косьтермек истесек, «терцина» деген шиир тюрюнинь кьафиелешюв схемасы мейдангъа кетирилир. О бойле бир сыфат алыр: **аба, бвб, вгв, гдг, дед, еёе, ёжё, жзж, зиз, ики, клк, лмл, мим, нон, опо** ве иляхри. Терцинанынь схемасыны бутюн элифбе боюнджа тизмек мумкюн. Терцинаны тамамламакъ ичюн, соньки кьафиелешкен **эюэ, юяю** сатырларгъа даа бир сатыр **я** келип кьошула биле. О да элифбенинь соньки арифини бильдирген кьафиели сатыр ола билир.

Шиирий эсерлернинь терджиме этилюв эснасында бири-биринен багълы ве уйгъунлыкьта арекет этиджи: эджаларнынь мыкъдары, везини, кьырааты, сёзлернинь кьафиелешюв инджеликлери, бентлернинь тизилиши ве кьурулувы, созукь ве тутукь сеслернинь озъара багъланувы, телляфуз ве саире аллель-хусус чизгилер ве хусусиетлерге дикькъат айырмакъ меселеси муим бир вазифеге чевириле. Айны шу бирдемлик ве уйгъунлыкь джеми кьуветинен окъуйджынынь анъына аллель-хусус тесир быракъа [8, с. 91]. Шунунь ичюн де шиирий терджиме несрий терджимеден фаркъ эте [11, с. 26].

Асылында бу меселе шиирий метинлернинь шекили ве мундериджесининь озъара багъланув кучюне менсюптир. Биринджи, бешинджи ве отуз учюнджи йырларны теджиме эткенде, биз айны шу меселелерге риает этмеге тырыштыкъ. Терцинанынь шекили ве ички везининен багълы телляфузыны сакъламагъа тырыштыкъ. Буны юкъарыда кетирильген терджиме мисаллеринде нумайыш эттик. «Иляхий комедия»да олгъан эджаларнынь мыкъдарыны 11 эджалы этип, бентлер арасындаки кьафиелешюв схемасыны сакълап, асыл нухада телляфуз этильген кьыраатны джанландырмагъа арекет этик. Бойле этип, асыл нуханынь шеклини кьырымтатарджа терджисмесинде сакълап кьалдыкъ.

Шиирий метиннинь шекили бу шекильге кьуюлгъан мундеридженен даима багълыдыр. В. Дмитриеванынь айткъанына коре [6, с. 21], шиирий эсернинь шекили эсерде айдынлатылгъан мундериджени там манада тасвирленильмеси ичюн, терджиме этильген сёзнинь лийыкъ союны сайлап алмагъа меджбур эте. Э.М. Береговскаянынь сёзлерине коре, рус терджиманлыкь амелиятында шиириетте шекиль мундериджелидир [2, с. 38]. Тек шиирий метинлерде шекиллер оюны муим эмиетке малик ола ве бедий тасвирий васталар мыкъдар джеэтинден уйгъунлыкьта кьулланыла. Шекиль мундериджени терен ве тафсилятлы такъдим этильмеси ичюн кьулланыла [1, с. 318]. Терджиме джанлы олмакъ ичюн, асыл нуханынь шеклини кевделендирмек лязим, анджакъ бу шекильнинь ичерисинде айдынлатылгъан мундеридже о кьадар мукеммель кьуюлгъандыр ки, оларны бири-биринден айырмакъ чареси ич де олмаз [13, с. 140].

«Иляхий комедия»нынь терджиме эткенде, мундеридже ве шекильни сакълап кьалмакъ арекетинде булунгъанда, асыл мананы сакълап кьалмакъ истеги вакътында сёз ибарелери ве сёзни шекильге сыгъдырылмагъаны маалинде дигер сёзни кьулланмакъ сырасы кельди. Ве дерсликте, метинде кьуллангъан сёзнинь изааты асыл нухадаки мана берилип анълатылды. Зульметтен – зифт кьаранлыкьтан» деп анълатылып берильди [16, с. 210].

Меселя, эсерде кьулланылгъан сёз «зифт кьаранлыкькъа чомгъан орман» «сумрачный лес» олмакъ керек эди. Терцинанынь кьалыбына бу сёз сыгъдырылып олунмагъаны себебинден, кьадимий девир лексикасыны сакълап кьалып, девир муитини яратмакъ ичюн, «зульмет» сёзюни сайлап алмакъ сырасы тюштю.

Меселя, биринджи бетнинь учюнджи сатырында «я очутился в сумрачном лесу» «пейда олдым зифт кьаранлыкь орманда» деп сатыр асты терджиме олунмакъ лязим эди. Амма терцинадаки кьафие тизилиши ве шекили бу мананы «Зифт кьаранлыкь ормангъа сюрип Киргеним» деп терджиме этмеге меджбур этти. Кене де бизим тилимизде бу мананынь бедий джеэттен салмакълы янгъырамасы ичюн, «Зульметтен сарсылгъан ормангъа сюрип» деп берильди ве «Киргеним» сёзю дёртюнджи сатыргъа кечирилип, дигер маналы джумленен багъланды. Бу меселени А.В. Фёдоров да «везин ве кафиенинь талабына уймакъ ичюн, базы да, асыл нухада кьулланылгъан сёз айны шекильге сыгъдырылмай биле. Шундан себеп, шиирий терджимелер асыл нухадан затен узакъ олалар деп, кьайд эте [12, с. 108]. Амма биз асыл нухадан узакълашмадыкъ, четленмедик. Асыл мананы сакълап кьалмакъ макъсадынен илери адымладыкъ.

Бойледже, шиирий метиннинь алельхусуслыгъы терджиме эснасында кьыйынлыкь

догъургъан арада биле, онынъ аль олунмасына да хызмет этип, янъы ве муим ёл косътере биле экен. Шундан себеп, миллий шириетимизнинъ хусусиетлеринен уйгъунлаштырып, халкъ тилининъ нуткъына якъынлаштырып, эсерни сатырма-сатыр терджиме этмеге тырыштыкъ. Бешинджи йырдан алынган мисаллерде буны косътерейик.

**Рус тилиндеки терджимеси**

- 25 *И вот я начал различать неясный  
И дальний стон; вот я пришёл туда,  
Где плач в меня ударил многогласный.*
- 28 *Я там, где свет немотствует всегда  
И словно воеет глубина морская,  
Когда двух вихрей злобствует вражда.*
- 31 *То адский ветер, отдыха не зная,  
Мчит сонмы души среди окрестной мглы  
И мучит их, крутя и истязая [14].*

**Озбек тилине рус тилинден терджимеси**

- Шу пайт қулогимга келди оҳ-воҳ;  
Минглаб бандаларнинг турфа ноласи  
Гангитиб қўйганди мени баногоҳ.*
- Бу ерда хилқатнинг ўчган нафаси,  
Бамисли қурқинч ве теран уммонда  
Гирдибод олишар, чўнг ғарғараси.*
- У Дўзах самуми, ҳамма томонда  
Арвоҳлар тўдасин итқитар ҳар ён,  
Чиртирақ қиларди зўр ғалаёнда [15, с. 38].*

**Къырымтатар тилине рус тилинден терджимеси**

- 25 *Шу вакъыт чалынды къулакъта ах-вах;  
Бинълеп бенделернинъ зарлы налеси,  
Къанъгъытып быракъты гонълюмни эй-вах!*
- 28 *Бу ерде, нурларнынъ учкъун шавлеси,  
Мисильсиз пек къоркъунч, терен денъизден  
Фышкъыргъан фуртуна – рухларнынъ сеси,*
- 31 *Кутюкленип учты серпилъген изде  
Къошып махкъюм рухкъа къасевет-къааръ,  
Къаранлыкъ бошлукъта эр шей тенъсиз де [16, с. 215].*

Корьгенинъиз киби, озбек тилине япылган терджиме темель терджиме олып, рус тилиндеки терджименен къыяс этильмеге фурсат булдырды. Нетиджеде, къырымтатарджа сына япылган терджимени тез суретте екюелеп, дерсликни теслим этмеге файдасы тийди. 2014 сенеси тюрк тилине япылган эки терджиме де огренили, илериде даа да гузель терджиме япмакъ истегини пейда этти. Иншаллах, вакъты саати кельсе, бу фурсаткъа да изин олур! Ве бир шейлер япылыр...

Шимдиликче, Данте деврининъ тарихий ве миллий колоритыны сакълап къалмакъ макъсады иле ве къырымтатар тилиндеки эсернинъ бедияетлик дереджесини арттырмакъ ичюн, эсерде орта асырларда къулланылган келиме, ибарелер, сёзлер ве шивелер къулланылды. Меселя: «бенделернинъ зарлы налеси», «къангъытып быракъты», «махкъюм рухкъа», «Аизар, инъильти толган дияргъа», «Миноснынъ чыкъарган фенти пек телли», «Шеадет бергендир, О, Алий дергях», «налемиз Аршкъа еткенде», «Нидже бенде олып анда хор, туткъун», «Махв этти оларны хасис тепкиси», «Явуз авджыларгъа ем олдылар хор» киби саире ибаререлер ве джумлелерни къайд этмек мумкюн.

Орта асырлар, ханлыкъ ве уянув девирлеринде къулланылган сёзлерни эсерде ишлетмек сырасы кельди. Бойле этип девир ве милий колорит джанландырылды ве эсерге бдияет-

лик севиеси багъышланды. Бу сёзлерни шимдики кырымтатар окъуйджысы анъламасы кучь оладжагъы козь огюне алынып, дерсликте бу сёзлернинъ изааты берильди. Нетиджеде, эсернинъ манасы терен ве мукеммель анълашылмасы ичюн мейдан азырланды. Кечмиш девирдеки эдебий тилимизнинъ услубий зенгинликлеринен файдаланып, эдебий нуткъумызны зенгинлештирилювине темель азырламагъа тырыштыкъ. Меселя: «*сейяхындан* – зияретинден, *далгъалар къахринден* – далгъаларнынъ шиддетли, джезалы те-пренювинден, *махбуп услюпни* – севген услюпни, *медет эйле* – ярдым эт, *махв этер* – ёкъ этер, *дженнет ферагъатын* – дженнет раатлыгъыны, *Алий дергях* – Танърынынъ къаты, узурь, межаны, *Алий хиргях* – Танърынынъ эдебий къаты, узурь, межаны, *меджерух* – яра-лангъан, *зинданбан* – зиндан бакъыджысы, *иснад* – ярдым, *михтан* – эджель балтасы» ки-би даа дигер сёзлер ве ибарелер кечмиш девир муити ве колоритини джанлындырмагъа хызмет эттилер.

Ширий гузеллик, нефасет факъат фикирни ачыкъ-айдын ифаделеген сёзлерни сайла-макънен сынъырланмай экен [7, с. 101]. Ширий эсер екяне макъам ве кыраат уйгъунлыгъында сесленип, ички джазибени теминлеген къафие сёзлеринен джанландыры-ла биле экен.

**Бойледже**, бедий терджимеде ис-дуйгъулар иле талиль, ильхам иле кыяс, интерпре-тация иле ачыкъ-айдынлыкъ даима бераберликте къулланылып, «интерпретациянынъ диа-пазоны» гъает кенишлей, сёзлер ве ибарелерни кыдырып тапмакъ фурсаты яратыла. Тек ильхамгъа эсаслангъан терджиме, ве тек тиль хусусиетлерине риает этилип япылгъан тер-джиме бедий иджат нумюнесини эстетик манадан махрум эте. Асыл нусхадан япылгъан чешит тиллердеки сатыр асты терджиме иле онынъ бедий терджимеси кыяс этильсе, терджиманнынъ тедбири, меаретининъ сыры неде олгъаныны бельгилемек мумкюн. Шу вакъытта, терджиманнынъ чевирюв усулларнынъ чешитлеринден файдаланмагъа имкяны пейда олгъаны, учлюклерден ибарет ширий бентлернинъ зынджырлы къафиелештири-люви буюк бир иджадий лабораториягъа чевириле. Дантенинъ комедиясындаки сёз оюнла-ры, сюсю везинлер, мизаджалар, бентлер, дуракълар, къафиеленген меракълы мисралар ве мана теренлигини кырымтатар тилинде джанландырмакъ гъает месюлиетли ве мешакъат-лы бир иштир. Терджименинъ нетиджесине тек окъуйджы эхли кыймет кесе биле.

Макъаледе анъылгъан джеми меселелер, шириеттеки бедий тасвирий васталарнынъ инджеликлер илериде терджиманлыкъ саасына авеслик догъурыр. Ширий меарет юксе-лигине иришилген кемалат мейданы кенишлер. Терджиманлыкъ мектеплерининъ пейда олмасына земин яратылыр. Терджиме, бир терджиман ичюн, меарет мектеби олып къал-майып, бельки, иджат эхлининъ ильхам ве къудрет алгъан дерсханесине чевирилир.

#### КЪУЛЛАНЫЛГЪАН ЭДЕБИЯТ

1. Алексеева И.С. Введение в переводоведение / И.С. Алексеева. – СПб.: фил. фак. СПбГУ; М.: Издательский центр «Академия», 2004. – 352 с.
2. Береговская Э.М. Разговорно-просторечные элементы в поэмах Твардовского и их отражение в переводах на французский и немецкий языки / Э.М. Береговская // Тетради переводчика. Вып. 19. – М.: Высшая школа, 1982. – С. 33–43.
3. Гачечиладзе Г. Художественный перевод и литературные взаимосвязи / Г. Гачечиладзе. – М.: Советский писатель, 1980. – 255 с.
4. Голенищев-Кутузов И.Н. Данте в России / И.Н. Голенищев-Кутузов // Творчество Данте и миро-вая культура. – М.: Наука, 1971. – С. 454–486.
5. Голенищев-Кутузов И.Н. Данте в советской культуре / И.Н. Голенищев-Кутузов // Творчество Данте и мировая культура. – М.: Наука, 1971. – С. 487–515.
6. Дмитриев В. О структурных элементах и ритмической верности стихотворных переводов с французского языка / В. Дмитриев // Тетради переводчика. Вып. 3. – М.: Международные отно-шения, 1966. – С. 16–38.
7. Задорнова В.Я. Восприятие и интерпретация художественного текста / В.Я. Задорнова. – М.: Высшая школа, 1994. – 152 с.
8. Лозинский М.Л. Искусство стихотворного перевода / М.Л. Лозинский // Перевод – средство вза-имного сближения народов. – М.: Прогресс, 1987. – С. 91–106.

9. Ревзин И.И. Основы общего и машинного перевода / И.И. Ревзин, В.Ю. Розенцвейг. – М.: Высшая школа, 1964.
10. Рузавин Г.И. Философские проблемы оснований математики / Г.И. Рузавин. – М.: Наука, 1983.
11. Усов Д.С. Основные принципы переводческой работы / Д.С. Усов. – М.: Государственное уч. пед. изд-во, 1934. – 131 с.
12. Фёдоров А.В. О художественном переводе / А.В. Фёдоров. – Л.: Гослитиздат, 1941. – 260 с.
13. Юсупов Р.А. Соотношение разноструктурных языков и вопросы перевода (на материале русского и татарского языков) / Р.А. Юсупов. – Казань: КГПУ, 2005. – 225 с.
14. Алигьери Д. Божественная комедия / Данте Алигьери; перевод Лозинского. – М.: Советский писатель, 1967.
15. Алигьери Д. Илохий комедия. Дўзах / Данте Алигьери; русчадан Абдулла Орипов таржимаси. – Тошкент: Ғафур Ғулом номидаки Адабиёт ва санъат нашриёти, 1975. – 45 бет.
16. Алигьери Д. Иляхий комедия. Джахеннем. Биринджи, бешинджи, отуз учюнджи йырлар / Данте Алигьери; Айше Кокиеванынъ терджимеси // Къырымтатар ве чет эль эдебияты. 9-ынджы сыныф талелелери ичюн. – Симферополь: «Къырымкъувпеднешир» нешрият, 2009. – 320 с.